



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՎԱՐՉԱԿԱՆ ՎԵՐԱՔՆՆԻՉ ԴԱՏԱՐԱՆ

Վարչական գործ N ՎԴ/10594/05/13

Ո Ր Ո Շ ՈՒ Մ

ՎԵՐԱՔՆՆԻՉ ԲՈՂՈՔԸ ՎԱՐՈՒՅԹ ԸՆԴՈՒՆԵԼՈՒ ՄԱՍԻՆ

Հայաստանի Հանրապետության վարչական վերաքննիչ դատարանը
(այսուհետ՝ վերաքննիչ դատարան),

Նախագահող դատավոր՝
դատավոր՝
դատավոր՝

Գ. ՂԱՐԻԲՅԱՆ
Ք. ՄԿՈՅԱՆ
Ա. ԱՌԱՔԵԼՅԱՆ

20 հունիսի 2014 թվական

ք. Երևան

քննարկելով ըստ հայցի Հայաստանի Հանրապետության կառավարությանն առընթեր պետական եկամուտների կոմիտեի Մասիսի տարածքային հարկային տեսչության ընդդեմ անհատ ձեռնարկատեր Գագիկ Թադևոսյանի՝ պատասխանողից հոգուտ պետական բյուջեի 514.517 դրամ բռնագանձելու պահանջի մասին, թիվ ՎԴ/10594/05/13 վարչական գործով ՀՀ վարչական դատարանի 2014 թվականի ապրիլի 22-ին կայացված վճռի դեմ ՀՀ ԿԱ ՊԵԿ Արտաշատի տարածքային հարկային տեսչության կողմից բերված վերաքննիչ բողոքը վարույթ ընդունելու հարցը,

Պ Ա Ր Զ Ե Ց

Հայաստանի Հանրապետության կառավարությանն առընթեր պետական եկամուտների կոմիտեի Մասիսի տարածքային հարկային տեսչությունը հայցադիմում է ներկայացրել Հայաստանի Հանրապետության վարչական դատարան /այսուհետ նաև՝ Դատարան/ ընդդեմ անհատ ձեռնարկատեր Գագիկ Թադևոսյանի՝ պատասխանողից հոգուտ պետական բյուջեի 514.517 դրամ բռնագանձելու պահանջի մասին: Միաժամանակ միջնորդել է ձեռնարկել հայցի ապահովման միջոցներ:

Դատարանի /դատավոր Կ. Բաղդասարյան/ 20.11.2013 թվականի որոշմամբ հայցադիմումն ընդունվել է վարույթ: Նույն օրը դատարանի մեկ այլ որոշմամբ մերժվել է հայցի ապահովման միջոցներ ձեռնարկելու վերաբերյալ միջնորդությունը:

Դատարանի 05.12.2013 թվականի որոշմամբ գործը նշանակվել է դատաքննության:

Դատարանը 2014 թվականի ապրիլի 22-ին վճռել է.

«Հայաստանի Հանրապետության կառավարությանն առընթեր պետական եկամուտների կոմիտեի Մասիսի տարածքային հարկային տեսչության հայցը բավարարել մասնակի:

Անհատ ձեռնարկատեր Գագիկ Թադևոսյանից հոգուտ պետական բյուջեի բռնագանձել 90.400 դրամ հաստատագրված վճարի գումար, որից ապառք՝ 39.300 դրամ, տույժ՝ 51.100 դրամ:

Հայցադիմումը մնացած մասով մերժել:

Անհատ ձեռնարկատեր Գագիկ Թադևոսյանից հոգուտ պետական բյուջեի բռնագանձել 1810 դրամ՝ որպես հայցի բավարարված մասով հայց ներկայացնելու համար վճարված պետական տուրքի փոխհատուցում:

Դատական ծախսերի հարցը մնացած մասով համարել լուծված»:



Նշված վճռի դեմ վերաքննիչ բողոք է քերել ՀՀ ԿԱ ՊԵԿ Արտաշատի տարածքային հարկային տեսչությունը:

Վերաքննիչ դատարանը գտնում է, որ վերաքննիչ բողոքը ենթակա է վարույթ ընդունման, քանի որ համապատասխանում է Հայաստանի Հանրապետության վարչական դատավարության օրենսգրքի 134-րդ հոդվածի պահանջներին և բացակայում են նույն օրենսգրքի 136-րդ հոդվածով նախատեսված՝ վերաքննիչ բողոքը վերադարձնելու հիմքերը:

Վերոգրյալի հիման վրա և ղեկավարվելով Հայաստանի Հանրապետության վարչական դատավարության օրենսգրքի 135-րդ հոդվածով՝ Վերաքննիչ դատարանը

Ո Ր Ո Շ Ե Ց

1. N ՎԴ10594/05/13 վարչական գործով ըստ հայցի Հայաստանի Հանրապետության կառավարությանն առընթեր պետական եկամուտների կոմիտեի Մասիսի տարածքային հարկային տեսչության ընդդեմ անհատ ձեռնարկատեր Գագիկ Թադևոսյանի՝ պատասխանողից հօգուտ պետական բյուջեի 514.517 դրամ բռնագանձելու պահանջի մասին, 2014 թվականի ապրիլի 22-ին կայացված վճռի դեմ ՀՀ ԿԱ ՊԵԿ Արտաշատի տարածքային հարկային տեսչության կողմից քերված վերաքննիչ բողոքն ընդունել վարույթ:

2. Գործի քննությունը նշանակել 2014 թվականի սեպտեմբերի 24-ին, ժամը 12:20, ՀՀ վարչական վերաքննիչ դատարանի շենքում (ք.Երևան, Թբիլիսյան խճուղի 3/9, 2-րդ հարկ, դահլիճ թիվ 9):

ՆԱԽԱԳԱՀՈՂ ԴԱՏԱՎՈՐ
Գ. ՂԱՐԻԲՅԱՆ



ԴԱՏԱՎՈՐ
Ք. ՄԿՈՅԱՆ



ԴԱՏԱՎՈՐ
Ա. ԱՌԱՔԵԼՅԱՆ

